



Broj:05-25-4579-5-2/16
Datum, 17.06.2016. godine

Na osnovu člana 69. stav (3) Zakona o javnim nabavkama („Službeni glasnik BiH“, broj: 39/14), u postupku javne nabavke usluga „Nabavke sukcesivne usluge izrada projektne dokumentacije za vodne objekte i usluge vršenja stručno-tehničkog nadzora nad izgradnjom vodnih objekata“, ministar Ministarstva za poljoprivredu, šumarstvo i vodoprivredu Zeničko-dobojskog kantona donosi:

ODLUKU

o otkazivanju postupka javne nabavke usluga

„Nabavka sukcesivne usluge izrada projektne dokumentacije za vodne objekte i usluge vršenja stručno-tehničkog nadzora nad izgradnjom vodnih objekata“

Član 1.

(Predmet)

Otkazuje se postupak javne nabavke usluga „Nabavka sukcesivne usluge izrade projektne dokumentacije za vodne objekte i usluge vršenja stručno-tehničkog nadzora nad izgradnjom vodnih objekata“, objavljeno na Portalu javnih Obavještenjem o nabavci broj: 455-1-2-1-3-1/16 nabavki dana 06.06.2016. godine zbog drugih dokazivih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.

Postupak se otkazuje iz razloga što će Grad/općine Zeničko-dobojskog kantona shodno zaključenim Sporazumima o zajedničkom učešću u realizaciji projekata iz „Programa utroška sredstava vodnih naknada za 2016. godinu sa Ministarstvom, pored provođenja postupka za odabir najpovoljnijeg ponuđača za izvođenje radova na planiranim vodnim objektima, radi efikasnijeg i ekonomičnijeg načina provođenja postupka, uporedo provoditi i nabavku usluga izrade projektne dokumentacije za vodne objekte i usluge vršenja stručno-tehničkog nadzora nad izgradnjom istih.

Član 2.

(Objava Odluke)

Ova odluka objavit će se na službenoj internet stranici Zeničko-dobojskog kantona, www.zdk.ba, istovremeno sa upućivanjem pravnim licima koji su preuzeli tendersku dokumentaciju sa internet stranice www.ejn.gov.ba, u skladu sa članom 70. stav (6) Zakona o javnim nabavkama.

Član 3.

(Stupanje na snagu)

Ova odluka stupa na snagu danom donošenja.

O b r a z l o ž e n j e

Ministarstvo za poljoprivredu, šumarstvo i vodoprivredu Zeničko-dobojskog kantona pokrenulo je postupak javne nabavke- „Nabavka sukcesivnih usluge izrade projektne dokumentacije za vodne objekte i usluge vršenja stručno-tehničkog nadzora nad izgradnjom vodnih objekata“, Odlukom o pokretanju postupka javne nabavke za vršenje usluga izrade projektne dokumentacije za vodne objekte i vršenje nadzora nad izgradnjom i/ili rekonstrukcijom vodnih objekata na području Zeničko-dobojskog kantona za period 2016.-2018. godina broj: 05-25-4579-5/16 od 25.05.2016. godine, a isti je Obavještenjem o nabavci broj: 455-1-2-1-3-1/16 objavljen na Portalu javnih nabavki dana 06.06.2016. godine. Sažetak obavještenja o nabavci objavljen je i u „Službenom glasniku BiH“, broj: 43/11 od 10.06.2016. godine.

Ugovorni organ je previdio činjenicu da se u tenderskoj dokumentaciji jedinične cijene po stavkama u lotovima uopće ne mogu zbrajati, a kako se u ponudi mora iskazati ukupna cijena nabavke, to je potrebno provesti pojedinačne nabavke za uslugu projektovanja odnosno nadzora za svaki odobreni projekat shodno Zaključku Vlade Zeničko-dobojskog kantona o odobravanju liste općinskih projekata u Programu utroška sredstava vodnih naknada za 2016. godinu broj: 02-14-10778/16 od 30.05.2016. godine.

Iz navedenog razloga, a u cilju efikasnijeg, bržeg i ekonomičnijeg provođenja postupaka javne nabavke, dogovoreno je da će Grad/ općine Zeničko-dobojskog kantona provesti pojedinačnu javnu nabavku za projektovanje i nadzor, paralelno sa provođenjem postupaka javne nabavke za izvođenje radova za svaki konkretni planirani projekat, zaključivanjem sa Ministarstvom Sporazuma o zajedničkom učešću u realizaciji projekata iz „Programa utroška sredstava vodnih naknada za 2016. godinu“.


Imajući u vidu odredbe člana 69. stav 3. Zakona o javnim nabavkama (Službeni glasnik BiH“, broj: 39/14) kojima je regulisano da ugovorni organ može otkazati postupak javne nabavke samo zbog dokazivih razloga koji su izvan kontrole ugovornog organa i koji se nisu mogli predvidjeti u vrijeme pokretanja javne nabavke, te činjenicu da će postupak javnih nabavki provesti općine/Grad Zeničko-dobojskog kantona svaki prema broju odobrenih projekata planiranih shodno Zaključku Vlade Zeničko-dobojskog kantona o odobravanju liste općinskih projekata u Programu utroška sredstava vodnih naknada za 2016. godinu broj: 02-14-10778/16 od 30.05.2016. godine, riješeno je kao u članu 1. ove Odluke.

POUKA O PRAVNOM LIJEKU:

Protiv ove odluke može se izjaviti žalba Uredu za razmatranje žalbi BiH, putem Ministarstva, u roku od 10 (deset) dana od dana prijema ove odluke i to u pismenoj formi i u dovoljnom broju primjeraka, a koji ne može biti manji od tri.

Dostavljeno:

- 1x Službena web stranica Zeničko-dobojskog kantona
- 1x Pravna lica koja su preuzela tendersku dokumentaciju,
- 1 x a/a.



MINISTAR

Edin Smajić

